



Broj: 02-02-1-140-3/12

Datum: 27.03.2013. godine

OPĆINSKO VIJEĆE

Predmet: Izvještaj o provedenoj javnoj raspravi o nacrtu Strategije razvoja Općine 2018.

Općinsko vijeće Tešanj je na 4. sjednici Općinskog vijeća, održanoj 30. januara 2013. godine usvojilo Nacrt Strategije razvoja općine Tešanj 2018. godina i uputilo u javnu raspravu u trajanju od 45 dana.

Izrađen je plan javne rasprave sljedećeg sadržaja:

Nacrt Strategije razvoja 2018. godina bio je dostupan na web stranici općine www.opcina-tesanj.ba.

Javna rasprava je otvorena do 20. marta 2013. godine i svi zainteresovani svoje prijedloge, primjedbe i sugestije mogli su dostaviti poštom ili lično na adresu Općine Tešanj, na mail adresu strategija@opcina-tesanj.ba i forum za građane <http://www.opcina-tesanj.ba/strategija/>.

Pored navedenog prijedlozi i sugestije su iznesene i na usmenom dijelu javne rasprave koji se održavao u sljedećim terminima:

- 06. mart 2013. godine – mladi (pozvani: svi građani, a pozivnice dostavljene predstavnicima omladinskih udruženja, komisije za pitanje mladih i drugi.);
- 07. mart 2013. godine – ekonomija (pozvani: svi građani, a pozivice dostavljene udruženje privrednika, JP Toplana, JP TRA i drugi.);
- 12. mart 2013. godine – ekologija (pozvani: svi radane, a pozivnice dostavljene lovačkim udruženjima i drugim udruženja građana usmjerena na ekologiju, JP RAD i drugi.);
- 14. mart 2013. godine – društveni sektor (pozvani: svi građani, a pozivnice dostavljene mjesnim zajednicama, udruženjima građana, predstavnicima JU i drugi;).

Relizirane su: 4 tematske rasprave (mladi, ekonomija, ekologija, društveni sektor) sa slanjem 240 pozivnica, snimljeno i emitovano 5 radio emisija, 6 tv emisija, štampano 300 letaka, 50 plakata, 7 banera i većih plakata, obezbijeđeno 720 emitiranja radio i tv spota (radio 280, televizija 440). Tematskim raspravama se odazvalo 99 osoba.

Tokom rasprave zaprimljeno je 102 prijedloga, sugestija, komentara i sl. Analizom javne rasprave 57 prijedloga je uzeto u razmatranje. Ostalo su bili izvan teme javne rasprave, pitanja i lične konstatacije. U nastavku iznosimo prijedloge i komentare sa stavovima Tima za izradu Strategije i Općinskog načelnika.

PRIJEDLOZI

Jasmina Deljić

1. Da se formira tijelo koje će pratiti realizaciju Strategije.

Stav tima: Postoji mehanizam u okviru rada i djelovanja Općinske administracije kojim se prati i analizira proces i ostvareni rezultati u realizaciji Strategije, odnosno usvojenih programa, projekata i mjera.

Ernad Hrvić

2. Poraditi na boljoj informisanosti građana i poboljšati odnos i saradnju građana sa općinskom administracijom.

Stav tima: Postoji Komunikacijska strategija Općine Tešanj koja se bavi pitanjima informisanja i komunikacije Općinske administracije s javnosti odnosno različitim sektorima društva.

Selvedin Ogrić

3. Zapošljavanje – da se predlože mjere i mehanizmi kako bi mladi sa područja općine Tešanj imali prednost pri zapošljavanju u odnosu na druge općine.

Stav tima: Općinski načelnik insistirao na donošenju kriterija za zapošljavanje u javne ustanove i preduzeća, a isključiva odredba za zapošljavanje samo građana općine Tešanj bi bila diskriminirajuća i nezakonita.

Bedak Amin

4. Veća aktivacija i motivacija građana.

Stav tima: U predloženim programima, projektima i mjerama u Sektoru Mladi akcenat se stavlja na jačanje kapaciteta i stvaranje pretpostavki za aktivno učešće mladih u procesima razvoja lokalnih zajednica, donošenja odluka i realizaciji same Strategije.

5. U oblasti sporta – poboljšati raspoređenost infrastrukturnih objekata i klubova jer uslovi nisu zadovoljavajući.

Stav tima: Prijedlog neodređen, a područje uvršteno.

Učesnik: Bahtić Saša

6. Formirati koordinaciono tijelo – potrebno da pripremi, uputi i pomogne udruženjima mladih.

Stav tima: Postoji mehanizam u okviru rada i djelovanja Općinske uprave kojim se prati i analizira proces i ostvareni rezultati u realizaciji Strategije, odnosno usvojenih programa, projekata i mjera.

7. Sportska stipendija – stipendije za najbolje i uspješne sportiste.

Stav tima: Prijedlog uvrstiti u okviru postojećeg sektorskog cilja, kao mogućnost da se uobziri kod godišnjih programa stipendiranja koje Općinsko vijeće usvaja.

8. Poticanje udruženja na poboljšanje marketing projekata koje vode (do sada loše iskustvo)

Stav tima: Prijedlog već postoji u Strategiji

9. Poboljšati koordinaciju između građana i udruženja, te poraditi na informisanosti.

Stav tima: Postoji jedan od ciljeva koji je fokusiran na isti rezultat.

Bedak Nedim

10. Povećati informisanost mladih.

Stav tima: Već predloženo u Strategiji.

11. Sportske stipendije- informisati o stipendiranju studenata na području općine Tešanj.

Stav tima: Ovo je već postojeća praksa Općine Tešanj i nastaviće se sa njom u narednom periodu odnosno u toku realizacije nove Strategije kada se usvoji.

Muharem Saračević

12. Nedostaju obrađeni statistički podaci (npr. koliko ima privrednih subjekata)

Stav tima: Nacrt Strategije razvoja općine Tešanj 2013-2018. (2020.) sadrži sve potrebne statističke podatke pribavljene od strane relevantnih sekundarnih izvora informacija. Podaci su ažurirani sa datumom zaključenja izrade navedenog dokumenta.

13. Otvaranje saobraćajnica prema jugu jer Tešanj mora sarađivati i biti povezan sa drugim gradovima

Stav tima: Navedena konstatacija je uključena kroz operativni cilj 3, projekat 7 (1.3.7).

14. Uređivanje infrastrukture privrednih subjekata jer sa dobrom infrastrukturom mogu se stvarati novi privredni subjekti.

Stav tima: Navedena konstatacija je uključena kroz operativni cilj 1, projekat 1.

Mustafa Trepčić

15. Za poljoprivredu na prvo mjesto staviti hranu.

Stav tima: Operativni cilj 4, kroz definisana 3 projekta dodjeljuje značajno mjesto poljoprivredi i proizvodnji hrane.

16. Otkupna stanica i rashladni sistemi

Stav tima: Obuhvaćeno kroz cilj 4, projekat 1 (1.4.1).

17. Plastenička proizvodnja

Stav tima: Obuhvaćeno kroz cilj 4, projekat 3 (1.4.3).

18. Izgradnja mreže za zaštitu od grada/leda.

Stav tima: U okviru postojećeg Sektorskog cilja i Programa uključiti kao aktivnost

Osmo Saračević

19. Shodno postojećoj razvijenoj proizvodnji i strategiji razvoja buduće proizvodnje, potrebno bi bilo u strategiji razvijati svijest stanovništva o kupovini domaćeg (pokazivati slovom i brojem)

Stav tima: U okviru postojećeg Sektorskog cilja i Programa uključiti kao aktivnost

20. Iz oblasti energetike, animirati stanovništvo na metode korištenja obnovljivih izvora energije - solarne energije.

Stav tima: U strategiji je to definisano kroz cilj 3, projekte 3 i 4 (1.3.3 i 1.3.4).

Muharem Berberović

21. Kroz poticaje omogućiti otvaranje novih radnih mjesta u poljoprivredi.

Stav tima: Predloženi ciljevi i projekti u poljoprivrednoj proizvodnji, imaju navedeno sadržano u strategiji.

Adem Šišić

22. Da se obrati na tri najveća zagađivača, prije svega rijeke Usore "Dević tekstil", otpad u Piljužićima, Miljanovci.

Stav tima: Primjena zakonske regulative nije dio Strateškog planiranja.

23. Da se predvide u strategiji mjere i program obuke i edukacije privrednika kako bi se firme sa ovog područja pripremile za saradnju sa firmama iz europske unije, kao i pripreme naših firmi za ulazak u EU.

Stav tima: Navedeno biće sadržano u okviru cilja 1, projekat 3 (1.1.3 Sve na jednom mjestu).

Edukacija privrednika iz predmetnog područja biće područje rada opisano u cilju 1.1.3.

Sejdo Kadušić:

24. Kod planiranja razvoja poljoprivrede (plan 10 farmi po 50 grla) ići na više farmi (50x10 grla) = 500 grla bi obezbijedio više zaposlenih i dalo bi mogućnost većem broju farmera za razvoj i opstanak na tržištu.

Stav tima: Prijedlog je već sadržan u Nacrtu Strategije

25. Kod lokalnog saobraćaja forsirati izgradnju puta "Drum" od Matuzića do Oruča.

Stav tima: Prijedlog je sadržan u Stragiji, operativni cilj 3, projekat 7 (1.3.7)-južni izlaz iz općine Tešanj.

26. Pored snabdijevanja građana pitkom vodom ubrzano ići i na pitanje generalnog rješavanja pitanja kanalizacije te ići na kreditna zaduženja veća od planiranog.

Stav tima: Projekat se nalazi u Strategiji, dio Zaštita okoline

Mirano Jupiće

27. Ispitati izvore zagađenja i Strategijom predvidjeti odgovarajuće mjere.

Stav tima: Korišteni dostupni podaci o zagađivačima, a strategijom se ne predviđa niti se potvrđuje povođenje zakonskih obaveza i kaznenih mjera.

Mustafa Trepčić:

28. Da se svako domaćinstvo obaveže na odvoz smeća ili da se odredi neka minimalna cijena za zajedničke kontejnere kako bi riješili ovaj problem.

Stav tima: Zakonom, uredbama i drugim propisima je ovo definisano i ovo ne može biti dio strateških ciljeva/zadataka.

Mujo Brka

29. Strateško rješavanje snabdjevanja vode, akumulacija vode na Kiseljaku – jedno od rješenja.

Stav tima: Zadržati kao nerealizovan cilj iz prethodne Strategije.

30. Zaštiti šume – da se zaštiti područje Crnog Vrha - park prirode, te da se na taj način može uticati i na razvoj turizma.

Stav tima: Prijedlog se prihvata tako što će se uvrstiti u Strategiju na pomoćnu listu.

Emir Unkić

31. Instalirati video nadzor na pojedinim mjestima (dokaz za sankcionisanje)

Stav tima: ovo ne može biti strateški cilj, može u sklopu nekog projekta biti uvršteno kao aktivnost/podaktivnost ali ne može biti ni dokaz za sankcionisanje na sudu.

32. Na rijeci Usori izgraditi brane i na taj način riješiti problem navodnjavanja (to bi također pomoglo da se stvori prostor za turizam, razvoj ribolova i sl.)

Stav tima: Prijedlog se prihvata tako što će se izrada brani na Usori uvrstiti kao izrada Studije u okviru postojećeg sektorskog cilja

Sejdo Kadušić

33. Postojeću mrežu toplifikacije proširiti na bliža urbana naselja (Čifluk, Hrvatinići, Bukva, Raduša, Dobropolje i dr.).

Stav tima: ovu aktivnost će vjerovatno JP Toplana raditi u skladu sa svojim mogućnostima i kapacitetima.

Rifat Halilović

34. Dosljednost u realizaciji građanske inicijative koja se odnosi na akumulaciju vode na Kiseljaku – pronaći inicijativu (bila je u ranijoj strategiji a sada nije uvrštena).

Stav tima: obuhvatiti ovom strategijom jer je ranije bilo obuhvaćeno.

Mujo Pobrić

35. U Strategiju razvoja uvrstiti i edukaciju mladih o ekologiji i na taj način pokušati promijeniti svijest mladih o važnosti očuvanja i zaštite okoline.

Stav tima: Kroz programe/projekte već obuhvaćeno.

Salih Brkić

36. Pokrenuti radne akcije čišćenja okoliša, organizovati predavanja i na taj način pokušati promijeniti svijest kod djece, mladih i sl.

Stav tima: ove aktivnosti se provode sa UG, NVO, školama i sl., a kroz konkretne programe/projekte će isto biti obuhvaćeno

Brka Midhat

37. Da udruženja koja imaju ekološki aspekt u svome bivstvovanju provode više vremena na terenu, školama odnosno raznim omladinskim festivalima koja bi za osnovnu ideju imala ekološku misao.

Stav tima: Ne može se kroz strategiju općine ovo definisati kao obaveza NVO-u ili UG-u.

38. Crni Vrh treba zaštititi i dati mu naziv "Zaštićeno prirodno područje."

Stav tima: Već odgovoreno.

Krdžalić Bedrudin

39. Potrebno rješavanje divljih deponija – Čifluk, Dubalj i sl.

Stav tima: Već razmatrano, stalna aktivnost, ne cilj strategije.

Sead Maglić

40. Rijeka Usora nije adekvatno obuhvaćena u Strategiji.

Stav tima: Nije konkretan prijedlog.

41. Izdvojena je posebno i iznos od 20.000,00KM je veoma mali.

Stav tima: ovo je riječ o sredstvima iz budžeta općine a obzirom da je nadležnost Federalna svakako da će u uređenje biti utošeno znatno više sredstava ali se ne može predvidjeti kroz strategiju.

Sabrija Kavazović

42. Imajući u vidu da je Općinsko vijeće donijelo Odluku o usvajanju Akcionog plana jačanja socijalne zaštite i inkluzije djece općine Tešanj za 2013-2014. godinu, te da je Općinski načelnik imenovao Komisiju za realizaciju ovog dokumenta, predlažem da se mjere iz pomenutog dokumenta ukonponuju u Strategiju razvoja Općine.

Stav tima: Strategija nije sektorski dokument pa tako detalje projekata nije moguće razrađivati po svim segmentima. Postavljeni ciljevi omogućavaju široki niz aktivnosti, projekata i mjera

43. Da se u društvenom sektoru – socijalna zaštita, u programima, projektima i mjerama doda i mjera: socijalno uključivanje ranjivih kategorija djece.

*Stav tima: Kategorija djece bi se mogla podvesti u cilj Socijalno uključivanje osoba koje ne mogu pristupiti tržištu rada, **ili** da se uvede novi cilj koji bi obuhvatao sve skupine i djece i odraslih koji trebaju socijalno uključivanje*

44. Jačanje prostornih i kadrovskih potencijala socijalne zaštite.

Ovom mjerom bi bile obuhvaćene kategorije djece koje su u akcionom planu prepoznate kao ranjive kategorije, te da naša općina već izdvaja značajna sredstva za pomoć ovim kategorijama, kao npr. pomoć u liječenju djece oboljele od spec.oboljenja, pomoć za školovanje, jednoratne novčane pomoći i sl.

Stav tima: Uvođenje ovakvog cilja bi moglo podrazumijevati redovne zakonske obaveze za materijalno obezbjeđenje svih ustanova i svih oblika socijalne zaštite, a moglo bi se vjerovatno tako primijeniti i za sve druge djelatnosti gdje općina ima vlastite nadležnosti i osnivačka prava. Onda bi Strategija izgubila svoj pravi smisao i pretvorila se u popis zakonskih obaveza ili zbir razvojnih planova općinskih ustanova i preduzeća.

Muharem Saračević

45. U dijelu društveni sektor koji se odnosi na operativni cilj, umjesto stavke "Obezbjeđenje institucionalne i druge pretpostavke za formalno i neformalno obrazovanje" dodati sljedeći sadržaj: Poboljšana infrastruktura za obrazovanje.

U dijelu mjere/programi/projekti dopuniti stavku: Obezbjeđenje institucionalnih pretpostavki za formalno i neformalno obrazovanje, Obezbjeđenje uslova za materijalno – tehničke i ljudske resurse u obrazovanju, Obezbijediti uslove za predškolski odgoj.

Stav tima: Uvođenje obaveze materijalno-tehničkog obezbjeđenja u direktne obaveze općine. Riječ je o direktnoj zakonskoj nadležnosti i sredstvima koja prate navedene nadležnosti. Na pomoćnoj listi (na kojoj su projekti izvan nadležnosti općine Tešanj) potvrđen je interes općine za implementacijom Studije razvoja školske infrastrukture.

Zahid Ibrahimkadić

46. Da se situaciona analiza uskladi sa pomoćnom listom jer u dijelu Strategije gdje je uvršteno osnovno obrazovanje ne spominje se potreba za izgradnjom škola.

Stav tima: Prihvatljiva sugestija

Bernadeta Galijašević

47. Odlično urađen dokument Strategija razvoja, također veoma dobro organizovana javna rasprava. Prezentacija Općinskog načelnika sažeta i jasna, te daje kompletan uvid u dokument.

Stav tima: Da se segment Poboļšana infrastruktura za obrazovanje dopuni dogradnjom O.Š. "Rešad Kadić" Tešanj za potrebe Muzičke škole, koja u našem gradu postoji 36 godina, a nema riješen problem prostora. Za ovakvu aktivnost postoji projektna dokumentacija.

Stav tima: Prijedlog nije prihvatljiv zbog već utvrđenih prioriteta u infrastrukturi obrazovanih objekata.

Almir Ramić

48. Jačanje kapaciteta OCD za aktivno učešće u procesima donošenja odluka i održivog razvoja zajednica (organizacijski i projektni menadžment).

Prijedlog 1 je sadržan u znatno široj formulaciji cilja: Jačanje organizacionih i drugih kapaciteta NVO (Podsticanje edukacije nosilaca aktivnosti u NVO), tako da bi zamjena užom formulacijom i usmjerenjem na organizacijski i projektni menadžment bilo ograničavajuće.

Rifat Sejdinović

49. Adaptacija i prilagođavanje prostora bolnice normativima i standardima bolnice – energetska efikasnost, akreditacija i dovođenje do kraja projekta porodične medicine.

Stav tima: Sistem finansiranja sekundarne zdravstvene zaštite je prilično složen po pitanju osnivačkog učešća u finansiranju ovakvih projekata. Aktivnost bi trebala biti planirana Strategijom dzravnstva FBiH. Ipak, uvažavajući važnost ustanove bilo bi korisno prijedlog uvrstiti na pomoćnu listu.

50. Izgradnja i opremanje Urgentnog centra u bolnici za ovaj region.

Stav tima: Prijedlog se prihvata tako što će se uvrstiti na Pomoćnu listu Strategije.

51. Preventivni program zdravstvenog odgoja u školama, zdravije generacije.

Stav tima: Već postoji kao aktivnost u postojećoj Strategiji mladih, a predložena aktivnost obuhvaćena kroz program/projekat: Prevencija bolesti i promocija zdravlja kroz edukaciju stanovništva s akcentom na rizične grupe

52. Projekti palijativne njege teško bolesnih sugrađana putem hospicija (neophodna podrška osnivača).

Stav tima: Prijedlog se prihvata tako što će se uvrstiti u Strategiju na pomoćnu listu.

Emir Hondo

53. Razvijati primarnu zdravstvenu zaštitu.

Stav tima: Prijedlog nepotpun, primarna zaštita je već oobuhvaćena određenim mjerama,

Prijedlozi dostavljeni na mail adresu strategija@opcina-tesanj.ba

Šefket Turalić

54. Na stranici 58, posto mi je to odmah skrenulo pažnju, a bavim se time, ipak u koloni Komentar se upišu vrijednosti...termin poput ispod prosječann ili daleko je ispod prosječne godišnje vrijednosti ne znace nista dok se ne pupisu iz zakona vrijednosti.. kada je uradjeno sve kako treba mislim da i ovdje treba 10-tak minuta...Da umjesto kolone komentar se ubaci kolona dozvoljene vrijednosti i upisu se.

Stav tima: Primjedba prihvatljiva za sve slučajeve gdje su dostupni podaci.

Damir Kadribašić

55. Smatram da strategijom treba da se dotakne buduće ustrojstvo autobuke stanice i da se upotrebljava za ono za šta je i namjenjena. Školski autobusi bi trebali da se zaustavljaju ili polaze sa stanice jer bi prestalo zagušenje saobraćaja u samom centru grada što bi povuklo i druge negativne posljedice. Inaće, učenici radije čekaju autobuse na stanici kod Doma kulture. Mislim da bi se ovim potezom osiguralo plaćanje dažbina autobuskoj stanici od strane prevoznika a stanica bi plaćala porez pošto ga prevoznici trenutno neplaćaju kada izdaju mjesečne karte učenicima

Stav tima: Izgled i funkcija autobuske stanice već su određeni prostorno-planskom dokumentom. Nakon što je izvršena kupovina lokaliteta očekuje se investiranje u obnovu, koja je pretpostavka upotrebi lokaliteta

56. Stipendiranje studenata VII stepena, mislim da bi trebali da strategijom obuhvatite stipendiranje studenata samo tehničkih visokoškolskih ustanova a koje imaju tendenciju edukacije kadra iz oblasti proizvodnje (mašinski fakultet, elektrotehnički fakultet, prirodnomatematički, saobraćajni i sl.) jer trebamo se konačno strateški orjentirati na proizvodnju unutar Općine.

Stav tima: Strategija nije ograničila niti operativno definirala politiku stipendiranja studenata na visokoškolskim institucijama

Almina Brkić

57. U djelu Društveni sektor koji se odnosi na operativni cilj, umjesto stavke "Obezbeđene institucionalne i druge pretpostavke za formalno i neformalno obrazovanje", predlažemo da se doda slijedeći sadržaj: "Obezbeđene institucionalne, ljudske i materijalno - tehničke resurse za formalno i neformalno obrazovanje".

Stav tima: Materijalno-tehničke pretpostavke za obrazovanje su zakonska obaveza osnivača, i kao takve je suvišno pominjati ih u strateškom planu (suvišno bi bilo reći da će osnivač provoditi zakon), pogotovu općine, jer nije nadležna za osnovno i srednje obrazovanje.

OPĆINSKI NAČELNIK
Mr.sci. Suad Huskić, profesor